



UNIVERSITÄTS-
BIBLIOTHEK
PADERBORN

Tractatus De Censuris Romano Pontifici Reservatis

Ugolinus, Bartholomaeus

Venetijs, 1609

De Bulla hac quando obliget. Cap. XIII.

[urn:nbn:de:hbz:466:1-61365](https://nbn-resolving.org/urn:nbn:de:hbz:466:1-61365)

De Bulla hac quando obliget.

Cap. XIII.

S V M M A.

- 1 Bulla hac quando obliget, vt eius offendens in eius censuram incidat.
- 2 Ignorantia probabilis huius Bullae an excuset ipsam offendentem.

Decimatertia quaestio est, quando Bulla hac obliget. In qua re breuiter, dicimus quoad se vim obligandi statim habere, posteaquam promulgata est. Id quod hinc patet, quoniam, qui ipsam statim nouit, si eam offendat, in excommunicationes eius incidit, nec tempus vllum expectandum est, ex quo eius expectatio nihil operatur, certus enim certior fieri non potest. argument. leg. 1. ff. de action. emptio. & vt habetur in capitulum qui de reg. iur. libro 6. nam etsi constitutiones, vbi aliter cautum non est, post duos menses obligant, vt habetur in authent. vt factae nouae constitutiones, tamen scientes obligat, esto lapsi duo menses non sint, vt dixit Gl. in capitulum 2. in verb. Haec tenus, de reb. Eccl. non alien. quam sequitur ibi, & ad hoc eam semper allegari ait Phil. Franc. in verb. contractus. in fine, & Gemin. in verb. laici, & Abba. in capitulum 1. numero 11. de postulat. praelat. & Feljo. in capitulum 2. numero 7. versiculus. Circa secundum, ibi. Secun-

do limita, de constitutio. ergo multo magis Bulla hac cum nullam praescriptam die, a lege ab homineve, habeat. Quoad alios vero, vbi probabiliter ad notitiam ipsorum venit, nam ex quo praescriptum tempus non habet, arbitrarium est. argumen. leg. 1. ff. de iur. deliber. & capit. de causis. de off. delegat. Quare, quod Romae prius promulgatur, quam in aliis locis, ob eam rem citius ibi quam alibi probabile est notam fore. Et de quaestione hac satis.

- 2 Verum ¶ an posteaquam tantum temporis elapsum est, vt verisimile sit, ad notitiam omnium venisse, qui tamen probabilem ignorantiam habet, excusabitur, quod minus in excommunicationes Bullae incidat? Ego censeo, hunc excusari. Primo, quia ignorantia probabilis admittitur etiam in constitutionibus, & legibus, posteaquam promulgatae sunt, vt dixit Felin. in eodem capitulum 2. numero 20. versiculus. Circa quartum, & vltimum, de constitut. & Caieta par. 2. quaest. 90. articulus 4. nam ibi ait, si Romae noua lex promulgetur, & curia ipsa non procuret, vt promulgatio ad ecclesias cathedrales deueniat, nec prelati, qui ibi sunt, insinuant suis ecclesiis, accusari nec apud Deum, nec apud homines ignorantiae posse absentes nescios, & sequitur eum Nauarr. in consil. 1. quaest. 4. numero 18. de constit. libro 1. & numero

mero

mero 22. & probatur per capitul. si. q. niat. accu. poss. & l. si. ff. de de. cr. ab ord. fact. ergo idem & hic. Postremo, quoniam auctor huius Bullæ, & si non incognitam fore Bullam hanc ijs præsumit, ad quos pertinet, ex quo valuis. Eccl. Lateran. & Basilicæ principis Apostolorum eas affigi curauit, vt habetur in 3. part. capitul. 5. non tamen prohibet, quin contra præsumptionem hanc ignorantia probari possit, & probata admitti potest, ac debet, nam præsumptio hæc hominis est, quæ probationem contrariam admittit, vt sensit Abb. in capitul. quanto. numero 3. versicu. venio nunc ad secundum, ibi, etsi male arbitrabitur, corrigetur factum per iudicem appell. de præsumpt. etenim & præsumptio iuris tantum, quæ itidem est illa, quæ probationem contrariam non tollit, vt inquit Abb. in eodem capitul. quanto. numero 2. versicul. Circa primum, & sequitur ibi Felin. numero 3. versicul. Et adde probabilis ignorantia, probationem contrariam admittit. Qua ratione autem probetur, declarauit Felin. in eodem capitul. quanto, de præsumpt. Quare rustici, & simplices homines præsertim, qui in locis iis morantur, vbi Bulla hæc non promulgatur sæpius excommunicationes huius Bullæ euadent, & sic remanet dissoluta 14. qu. an afficiat ignorantes, nam aut probabilem ignorantiam habent, & excu-

santur, aut non, & tunc secus, sed iam ad alias veniamus.

De excommunicato per hanc Bullam ob delictum notorium, an vitandus sit, antequam denunciatur. Cap. XV.

S. V. M. M. A.

I Excommunicatus per hanc Bullam a notorius sit adeo, vt & non denunciatus vitari debeat, propterea quod delictum commissum notorium est.

I Decima quinta quæstio est, an, si notorium sit quem delictum aliquod commisisse ex iis, quæ per Bullam hanc prohibentur, notorium etiam sit ipsum excommunicatum esse, adeo vt vitare eum debeamus, esto denunciatus non sit, cum hodie vitare excommunicatum non debeamus, nisi aut notorius, aut denunciatus sit, ob extrauagan. ad euitanda, quam inseruimus, & declarauimus in Tractatu nostro de censuris, capitul. 13. §. 7. Tab. 1. vt exempli gratia notorium est hæreticum schismaticumve quem esse, an igitur dicendum est & notorie ipsum esse excommunicatū? nam, si id esset, sine dubitatione vitare eum deberemus, ob cit. extrauagan. Hanc quæstionem mouit Nauar. in capitul. 22. nume. 6. de Orat. & hor. canon. sed tamen non aperte rem mihi explicasse videtur.

B 4 Ego